

07.12.2025

Тропарь воскресный, глас 1:

Ка́мени запеча́тану от иуде́й / и во́ином стрегу́щим Пречи́стое Те́ло
Твое́, / воскрeсл еси́ триднeвный, Спа́се, / да́руяй ми́рови жи́знь. / Сего́
ра́ди си́лы небeсных вопия́ху Ти́, Жизнода́вче: / сла́ва воскрeсeнию
Твоему́, Христe, / сла́ва Ца́рствию Твоему́, / сла́ва смотре́нию Твоему́,
еди́не Человеколю́бче.

Тропа́рь Введе́ния во хра́м Присноде́вы Мари́и, глас 4:

Днесь благоволе́ния Бо́жия предображе́ние/ и челове́ков спасeния
пропове́дание/ в хра́ме Бо́жии я́сно Де́ва явля́ется/ и Христá всем
предвозвеща́ет./ Той и мы велегласно возопи́им:/ ра́дуйся, смотре́ния
Зижди́телева исполне́ние.

Тропа́рь, глас 4:

Правило веры и образ кротости, / воздержания учителя / яви ты стаду
твоему / Яже вeщей Истина. / Сего ради стяжал еси смире́нием
величие, / нищетою богатая, / отче священноначальниче Николае, /
моли Христа Бога, / спастися душам нашим.

Тропа́рь вмц. Екатерины, глас 4:

Добродeтелями, я́ко луча́ми со́лнечными,/ просвети́ла еси́ невeрныя
мудрецы́./ И, я́коже пресвeтлая луна́ ходя́щим в но́щи,/ невeрия тьму
отгна́ла еси́/ и ца́рицу уве́рила еси́,/ вку́пе же и мучи́теля обличила́
еси́,/ Богозвáнная невeсто, блаже́нная Екатери́но,/ желáнием востекла́
еси́ в Небeсный черто́г/ к прекра́сному Жениху́, Христу́,/ и от Него́
ца́рским венце́м венча́лася еси́:/ Ему́же, со А́нгелы предстоя́щи,/ за ны
моли́ся,/ творя́щая пречестну́ю па́мять твою́.

Кондак воскресный, глас 1:

Воскрeсл еси́ я́ко Бо́г из гроба́ во сла́ве, / и ми́р совоскрeсил еси́; / и
естество́ челове́ческое я́ко Бо́га воспева́ет Тя́, и сме́рть исче́зe; / Ада́м
же ликует, Влады́ко; / Е́ва ны́не от у́з избавля́ема ра́дуется, зову́щи: /
Ты́ еси́, И́же все́м пода́я, Христe, воскрeсeние.

Кондак, глас 3:

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, / яко великий таинник Божия благодати.

Слава Отцѹ, и Сыну, и Святому Дѹху.

Кондак вмц. Екатерины, глас 2:

Лик честный Божественне, мучениколюбцы, / воздвигните ныне, почитающе всемудрую Екатерину, / сия бо в тризнице Христа проповеда / и змия попра, риторov разумь укротивши.

И ныне, и присно, и во веки веков. Аминь.

Кондак Введения во храм Приснодевы Марии, глас 4:

Пречистый храм Спасов, / многоценный чертог и Дева, / священное сокровище Славы Божия / днесь вводится в дом Господень, / благодать совводящи, / яже в Дусе Божественном, / Юже воспевают Ангели Божии: / Сия есть селение Небесное.

Прокимен, глас 1: Буди, Господи, милость Твоя на нас, / якоже уповахом на Тя.

Ин Прокимен, глас 4: Дивен Бог во святых Своих, / Бог Израилев.

Причастны: Хвалите Господа с Небес, хвалите Его в Вышних. Радуйтесь, праведнии, о Господе, правым подобает похвала. Аллилуиа. Аллилуиа. Аллилуиа.